



食王梨的方式

四十冬前，我對南投的草地嫁來嘉義的庄跤，平平是農村，但是所種的農產品無全，生活方式就差真濟，毋才舞一寡誤會佢笑詠出來。

就用食王梨的方式來講，阮大家買王梨轉來共剖做八周，冰予涼涼，下晡時仔提出來，一人食一周，我對頭開始咬一喙，大家趕緊共我講：「戇癮頭！食王梨毋著愛對尾先食，按呢毋才會愈食愈甜！」奇怪？哪會和阮父母所教的顛倒反？我誠天真共應講：「毋是啦！愛對頭先食啦！對尾食，食到一半喙就破囉，甜的攏無食著。對頭食，食一半就擲掉矣！」

我講煞，大家、大嫂和厝邊的孺仔、姆仔，逐家目睷禡大蕊，掠我金金看。欸？按怎諾？阮大家有一點仔失望，講：「恁兜哪會遐討債！」我講：「阮規庄頭的人攏按呢食啊……。」

事後斟酌共想起來，是因為產地的關係啦！我自讀國小三年仔開始，一直到高中畢業，每一冬的歇熱兩個月，逐日攏愛和爸母去王梨園，小妹小弟大漢嘛杳杳加入這個陣容。阿爸揸一跤加薦仔挽王梨，加薦若溟，就揸出來擗佇園頭，阮就一逝一逝擔出來路邊。大人用米籬，一擺擔十外粒，囡仔用菜籃仔，上代先是一片一粒，一冬一冬增加。恁都毋知咧，王梨實在夭壽重，尤其是冇的！擔王梨行佇坎坎坷坷的田岸仔路，我和小妹不時都跋甲鞦韆輾。

規條大路攏是一堆一堆的王梨，冇的囤一堆，冇的囤一堆，欲暗仔就有販仔來買矣。我問講王梨哪會毋免顧？大人笑講：「俗甲若狗屎咧，啥人會偷夯？」王梨大出的時，路邊逐日都囤幾若十堆，價數由在販仔剝，干焦驚賣袂出去。王梨大豐收，但是大人面憂憂，冇的一斤四、五角，冇的閣較俗，甚至無人愛，家家戶戶只好曝乾兼歧王梨醬。

因為產地價數遐爾俗，庄裡的人凝著想講插插伊，王梨欲食，規氣就食上好的；揀冇的剖，剖四周，對頭食到一半就擲掉，予毋是蹉佇產地的人，感覺真討債。毋過恁敢知影，種王梨的農民，心肝是咧滴血呢？

作者：邱素綢

☆詞彙學習☆

【笑詠】tshiò-khue/tshiò-khe：笑話、笑料。

【周】tsiu：圓形物件縱切成弧形的一片。

【禡】thí：張開、展開。

【加薦仔】ka-tsi-á：一種用藺草(鹹水草)編成的提袋，泛指小提袋。

【米籬】bí-luâ：用竹篾編成，用以盛裝米糧的竹器。

【冇】tīng：硬的、堅實的。

【鞦韆輾】kō-kō-liàn：滾來滾去。

【冇】phànn：鬆軟、結構不紮實。

【剝】tsuî：無理壓制；強制。